



TOSHKENT DAVLAT YURIDIK UNIVERSITETI REKTORINING
B U Y R U G ‘ I

2021-yil «27» iyul

08-186-son

Ўзбекистон Республикаси Президентининг 2021 йил 6 июлдаги
ПҚ–5172-сон қарори ижросини таъминлаш ҳақида

Ўзбекистон Республикаси Президентининг 2021 йил 6 июлдаги “Республика олий таълим муассасаларига талабалikka қабул қилинган иқтидорли ёшларни янада қўллаб-қувватлаш чора-тадбирлари тўғрисида”ги ПҚ–5172-сон қарори ҳамда Ўзбекистон Республикаси олий ва ўрта махсус таълим вазирининг 2021 йил 8 июлдаги “Ўзбекистон Республикаси Президентининг 2021 йил 6 июлдаги ПҚ–5172-сон қарори ижросини таъминлаш тўғрисида”ги 300-сон буйруғида белгиланган вазифалар ижросини таъминлаш, иқтидорли ва истеъдодли талабаларни ҳар томонлама қўллаб-қувватлаш ҳамда уларнинг сафини кенгайтириш мақсадида

БУЮРАМАН:

1. Ўзбекистон Республикаси Президентининг 2021 йил 6 июлдаги ПҚ–5172-сон қарори (кейинги ўринларда — қарор) ҳамда Ўзбекистон Республикаси олий ва ўрта махсус таълим вазирининг 2021 йил 8 июлдаги 300-сон буйруғи маълумот ва ижро учун қабул қилинсин.

2. Қарор билан:

2021/2022 ўқув йилидан бошлаб давлат олий таълим муассасалари бакалавриатининг кундузги таълим шаклига кириш имтиҳонларида (тест синовлари, касбий (ижодий) имтиҳон, ёзма имтиҳон) энг юқори балл тўплаган 200 нафар ёшлар учун Давлат бюджети маблағлари ҳисобидан молиялаштириладиган Ўзбекистон Республикаси Президенти гранти жорий қилинганлиги;

бунда давлат олий таълим муассасалари бакалавриатининг кундузги таълим шаклига кириш имтиҳонлари натижаларига кўра, таълим соҳалари кесимида, таълим олиш тилидан қатъи назар, республика бўйича энг юқори балл тўплаган абитуриентларнинг 200 нафари Президент грантига даъвогар бўла олиши;

Президент гранти учун ажратилган квотанинг таълим соҳалари бўйича тақсимооти ҳар йили Ўзбекистон Республикаси таълим муассасаларига ўқишга қабул қилиш бўйича давлат комиссияси томонидан тасдиқланиши;

муайян таълим соҳаси учун ажратилган Президент гранти квотаси бўйича сўнгги ўриндаги абитуриент ва у билан бир хил балл тўплаган барча фуқаролар Президент грантига даъвогар бўла олиши;

конунчилик ҳужжатларига мувофиқ олий таълим муассасасига ўқишга киришда қўшимча балл шаклида имтиёз бериладиган тоифадаги абитуриентларнинг кириш имтиҳонлари натижаларига кўра тўплаган балига қўшиб берилган баллар Президент грантига даъвогарларни аниқлашда ҳисобга олинмаслиги;

Президент грантига даъвогар бўлган абитуриентлар давлат гранти асосида ўқишга қабул қилиниши;

Президент гранти совриндорлари биринчи курсда барча фанларни «аъло» баҳоларга ўқиган, маънавий-маърифий ва илмий-тадқиқот йўналишларида ютуқларга эришган мазкур грантга даъвогар талабалар орасидан Олий ва ўрта махсус таълим вазирлиги, Республика олий таълим кенгаши ҳамда Ёшлар ишлари агентлиги томонидан ўтказиладиган танлов асосида аниқланиши;

ўтказилган танлов натижаларига кўра ғолиб бўлган талабаларга Ўзбекистон Республикаси Президенти давлат стипендияси тайинланаши ва тўланиши;

Президент гранти учун белгиланган стипендия иккинчи курснинг ўқув йили бошидан ойма-ой тўланади ва шу муносабат билан унга умумий шартларда белгиланадиган стипендия тайинланиши;

ўқув семестри якунига кўра камида битта фандан ўзлаштириш кўрсаткичи «аъло» баҳо бўлмаганда, Президент гранти соҳибларига келгуси ўқув семестри мобайнида умумий тартибда белгиланадиган стипендия тайинланиши ва тўланиши;

навбатдаги ўқув семестри якунига кўра барча фанлар бўйича ўзлаштириш кўрсаткичи фақат «аъло» баҳо бўлганда, Президент гранти учун белгиланган стипендия қайта тайинланиши ва тўлаб борилиши;

ўқиш якунига қадар Президент грантини узлуксиз олган талабалар бакалаврият таълим йўналишига мос ва турдош мутахассислик бўйича магистратурага кириш имтиҳонларисиз қўшимча давлат гранти асосида талабаликка қабул қилиниши белгиланганлиги инобатга олинсин.

3. Факультет деканлари:

мазкур қарор мазмун-моҳиятини талабалар орасида кенг тарғиб қилиш, уларга орасига тушунтириш ишларини олиб бориш чораларини кўрсин;

Жамоатчилик ва ОАВ билан алоқалар бўлими (Ж.Ҳайдаров) билан ҳамкорликда қарор мазмун-моҳияти юзасидан оммавий ахборот воситалари орқали кенг чиқишлар қилиш ҳамда бу жараёнларга профессор-ўқитувчиларнинг фаол иштирокини таъминлаш жораларини кўрсин;

Университетга энг юқори балл тўплаб кирган ҳамда Президент грантига сазовор бўлган талабалар билан тизимли ишларни ташкил этиш, уларни кейинги йилларда ҳам мазкур грантга сазовор бўлишлари учун тайёрлаб бориш (конференцияларда иштирок этиш, илмий ва оммабоп мақолалар чоп эттириш, жамоат ишларида фаол иштирок этиш, хорижий тилларни ўрганиб бориши ва бошқалар) чораларини кўрсин.

4. Маънавият ва маърифат маркази (Ш.Пўлотов) мазкур қарор ижроси юзасидан масъул ташкилотлар томонидан норматив ҳуқуқий-ҳужжатларни тайёрлаш жараёнига зарур ҳолларда университет мутахассисларини жалб қилиш чораларини кўрсин.

5. Ушбу буйруқ ижросини назорат қилиш проректор А.Ҳашимҳонов зиммасига юклансин.

Ректор в.в.б



И. Рустамбеков

Лойиҳа киритди:
Маънавият ва маърифат
маркази директори

Ш.Пўлотов

Келишилди:

Проректор

А.Хашимхонов

Юридик бюро
юрисконсулти

Д.Алибоев